



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. II. Resolvuntur argumenta contraria.

---

[urn:nbn:de:hbz:466:1-73031](#)

hanc acceptationē duplicitate intelligi posse, unam quodammodo actualenti, quae est ipsam observantia legis: cum enim servando, eo ipso acceptatur. Altera est approbatio legis tanquam justæ, quæ ad obligationem, aut ipsam observationem subditos excitat. Ea vero approbatio iterum duplex est: prima est judicium quoddam de legis aequitate, & ejus utilitate, quia non modo justa in se, sed populo commoda, atque utilis judicatur. Altera est consensus voluntatis, quæ legislatori edicenti acquiescit, & obligationi, quam videt sibi per illam legem imponi: quibus positis:

194. Ad questionem initio Q. propositam  
Resp. 1. In lege civili *ad ejus constitutionem* nullam ex modo dictis acceptationem populi esse necessariam; ita Suarez *L. 3. de Legib. d. 13. s. 1. & 5.* cum alijs. Nam vel potest Princeps justè populum sibi subiectum adstringere, ut acceptet, ac exequatur legem à se latam, quæ habeat ceteras conditiones legis justæ, vel non? si potest; ergo populi acceptatio non est necessaria; si non potest; habet potestatem dimittitam, ac inefficacem ad regendum populum, quod admitti non potest. Nam sic in nullo casu possit Princeps populum sibi subiectum, etiam sine causa legitima reluctanter adimplere legem, etiam justissimam, pennis justè compellere ad legis observantiam, quod manifeste repugnat rectæ gubernationi, & ordini in quavis communitate bene ordinata. Et ideo complures ex authoribus, qui docent, leges civiles, ut valeant, requirere acceptationem populi, hoc non tribuunt defectui potestatis in Principe laico; sed potius, voluntati ejus, nolentis obligare subditos independenter à populi consensu. Licet enim Princeps laicus potestatem acceperit à populo, ut multi volunt, (à quo liberè electus est) & hic potestatem ferendi leges concessam potuerit restringere sub conditione, *si populus legem accepit*; quia tamen non constat de hac restrictione, pactum illud inter Principem, & populum, tenet absque illa conditione. Nam ubi constat de pacto, & non constat de conditione, pactum tenet sine omni conditione. Confirmari potest discurrendo de singulis. Nam acceptatio actualis, quæ est ipsa legis obser-

vantia supponit legem totam, ac ejus obligationem; non enim obligat, quia observatur; sed observatur, quia obligat; unde talis observantia est potius effectus legis, & obligationis; cum ista inducat illam; &c.

Resp. 2. in lege civili, ut *firmitatem* 195; obligandi obtineat, requiri, quod *defecto* acceptetur, hoc est (cum lex urget) in usum, & observantiam deducatur; scilicet, cessare illius obligationem desuetudine completâ secundum dicta à n. 190. Ratio est, quia desuetudine legitimâ, & completâ, legis obligatio impediti, & abrogari potest, ut constat à n. 189. ergo ut *firmitatem* suam in obligando retinet, seu *vim obligandi continuet*, necesse est, illam in usum, & observantiam deduci, cum urget; dixi *firmitatem*, hoc est vim semel cæpta obligationis etiam deinceps continuet; non autem primum, ut vim acquirat. Dixi 2. *desuetudine completa*. Nam antequam legis non observantia completa sit juxta n. 190. & seq. contravenientes Peccant. Non enim est, unde excusentur: non ex voluntate legislatoris nolentis obligare; cum intendat potius legem suam stabilire: non etiam ex non usu, & desuetudine; hæc enim, nisi legitimè completa sit, non habet vim impediendi, vel abrogandi legem: ergo.

## §. II.

*Resolvuntur argumenta contraria.*

C Ontra prædicta dices 1. Potestas legis-  
lativa in Principe laico, est immediate à populo, illi communicata sub conditione, *si populus in legem consentiat*; ergo ante hunc consensum lex civilis nondum est essentialiter constituta. Sed nego universaliter antecedens; nam hoc fallit in Principe, qui Regnum aliquod in bello justo vi, & armis occupavit, ut rectè notat Cardenas *in Crisi Theol. tr. 1. de legib. d. 29. n. 46.* deinde Resp. 2. N. ant. quoad ly sub conditione, *si populus in eam consentiat*; cuius ratio est ex n. 194. Alias enim populus potius se regeret, non autem Rex regeret adæquatè populum; & populus subficeret, quando velleret, ut diximus n. cit.

Dices 2. quando major pars communi-  
tatis legi resistit, est moraliter certum,  
legem 197;

legem bono communī esse disconvenientem; consequenter non esse justam, & obligantem ex n. 84. ergo, ut justa sit, & obligans, consequenter essentialiter constituta, necessarium est, quod ei major pars populi non resistat. Resp. dupliciter fieri posse, quod ei populū, vel totus vel major pars resistat. 1. rationabiliter, & ex justa causa. Ex hoc Resp. cum distinctione, & concedo legem purē humanām, & civilem non obligare in casu, quo ei, saltem major pars communis, ex justa, & rationabili causa, moraliter certa, resistit; non autem secūs. Nam ex eo praeceps, quod lex gravis sit, non evadit justa resistentia; cum illud gravamen lege impositum exigi possit à gravi necessitate boni communis, ac Reipublicæ conservandæ V. n. 92.

198. Duxi 1. si resistentia sit rationabilis, & justa; ratio est ex n. 84. quia revera legislator humanus, populo rationabiliter resistente ipsi legi, non potest presumi ex casu nihilominus velle obligare. Duxi 2. si resistat ex causa justa, moraliter certa. Nam, ubi est dubium, num adsit justa causa parendi legitimō superiori (cum hic sit in possessione potestatis legislativæ, & debitæ sibi subjectionis à suis) impediti licet non potest, ubi morali certitudine de lege constat, & abest moralis certitudo de legis injustitia. Ex hoc sequitur, quod, quando major pars communis, sciente, nec puniente, cum posset, Principe, non observat legem, reliquos excusat ab observatione legis, licet non dum elapsum sit sufficiens tempus, alioquin necessarium, ut contra talem legem sit præscriptum; sic Castropal. cit. p. 1. tr. 3. d. 1. p. 13 n. 12. Quia tali casu minor pars communis merito præsumit de tacito consensu Principis.

199. Dices 3. certum est, legem latam sub expressa conditione, si populus acceptaverit, non esse plenè constitutam, populo non acceptante; at Princeps Laicus, hoc, & non alio modo potest ferre legem; quia sic, & non aliter accepit à populo potestatem legislativam; nam potestatem illi populus contulit, ut ferat leges eo modo, qui est aptior populo, cuius bonum tenetur ipse respicere in ferenda legē; at modus ferendi legem solum sub ea con-

ditione, talis est, nam populus melius cognoscet, quod sibi utile, vel initiale sit, quam legislator: ergo.

Deinde potestas regia, quondam à populo translata fuit eā conditione, ut ferret quidem leges, sed Reipublicæ comodas, & utiles, alioquin se ad subsequendum, & servandas leges minimè teneri, ideoque Julianus iuris consultus l. de quibus 32. §. 1. D. de legibus dixit, leges nullā alia ex causā nos tenere, quam quod judicio populi receptae sunt, consentitque Papinianus, dum, ut alias, retuli, legem vocavit ex Demostene tis pôleos cīnī synthētīcī, communem reipublicæ sponctionem, quasi cives collatis inter se suffragijs, ad ejus præscriptum vitam spoudēant, quæ Juliani & Papiniani dicta, nequaquam passus esset in corpore Digestotum, quod confici curavit, referri Justinianus, si ejusmodi populi judicio, & taci-to consensu existimat, suām auctoritatem infringi.

Ad argumentum in n. 199. Resp. data majore; N. min. cuius ratio est ex dictis, n. 194. & constabit etiam ex seqq. Hinc ad alterum Resp. tacitam illam conditionem potestati legum-lativæ, ut comodas, & utiles cibis leges dūntaxat ferat, non à populo positam, sed ex sua natura inesse, cum Princeps teneatur omnino subditorum commōdis prōvidere, itaque ferat ipsa æquitas, sapienter enim Amian. lib. 19. Finis justi imperij, ut sapientes docent, utilitas obedientium astimatur, & salūs quod hauſit ex Platōne lib. 5. polit. & ab Aristotele lib. 8. Ethicor. ad Nicomachi. qui ait, id spectare ad Principes, quod communiter conductit Reipublicæ. Quare Justinianus rescribens ad Señatum Constantiopolit: l. unica §. 14. C. de caducis tollendis, ait: quod communiter prōdest, hoc privatè nostræ utilitati preferendum esse cēnsemus; nostrum esse proprium, subjectorum commōdum imperialiter existimantes. Et ne plūra congeriat, audi Ciceron. lib. 1. officior. Omnino, qui reipublicæ præfuturi sunt, duo Platonis præcepta teneant, ut, quidquid agunt, ad eam referant, obliti commodorum suorum: alterum, ut totum corpus reipublicæ curent, ne dum aliquam partem tuerintur, reliquam deserant.

Ex hoc autem aliud non sequitur, quam

princ-

Principi unam Reipublicæ curam omnibus alijs præhabendam, ipsique, non privatis commodis, sed subditorum, maximè studendum, consequenter prudentiâ summâ, & æquitate in ferendis legibus utendum esse: & si necessitas graviores aliquando sanctiones exigat, illas tamen, quantum fieri poterit, humanitate temperandas. Inde tamen non sequitur, illum à consensu, approbatione, & acceptatione populi in suis edictis pendere, aut invitatis non posse leges statuere, quamvis nihil inustum valeat statuere; alioquin populi esset de statutorum æquitate, & utilitate judicare, & illa vel accipere, vel abijcere, quod absurdissimum foret; cùm & sèpissimè plebs ineptissimè judicet, & æquum arbitretur, quod iniquissimum est. si autem necessaria foret approbatio Universitatis in Comitijs generalibus, vel optimatum, plebe reluctante foret eadem difficultas, quæ in Principe; proinde vix ultra lex sortiretur effectum.

202. Dices 4. in c. *In istis 3. dist. 4.* expresse dicitur: *leges insituntur, cùm promulgantur; confirmantur, cùm moribus utentium comprobantur;* ergo leges non acceptatae nō obligant. Verùm ex hoc textu non probatur, valorem, & efficaciam legis, ab acceptatione dependere, i. quia hic textus non habet authoritatem Canonis, tametsi aliqui eum attribuant D. Augustino, quòd additus sit post verba sancti; in re tamen non est D. Augustini, sed Gratiani, ut observat Suarez *l. 3. de legib. c. 19. n. 1.* Deinde esto haberet vim canonis; communiter tamen respondetur, leges moribus firmari *de facto*; non autem *de jure*. Unde sicut *mores legi contrarij* eam infirmant, ac tandem abrogant, tacito nimirum legislatoris consensu; vel completâ præscriptione: sic mores legi conformes eā confirmant, sed non constituunt.

203. Nec juvat, quod ibid. Subjungatur: *unde illud Telesphori Papæ, quo decrevit, ut Clerici generaliter à quinquagesima jejunandi propositum susciperent, & à carnisbus, & delicijs abstinerent, quia moribus utentium approbatum non est, aliter transgressionis reos non arguit.* Nam, vel est sensus, ideo non obligare decretum Telesphori; *quia non fuit acceptatum?* vel, *quia annuentibus Pontificibus, consuetudine contraria, fuit abrogatum?* Si

dicas hoc secundum; nihil prodest. Nam *acceptatio, & consuetudo populi* diversa sunt, ut rectè notat Cardenas cit. *tr. 1. in Crisi Theol. D. 29. n. 57.* Illa enim explicat contravenientiam legis, quin importet *tempus certum, cum legislatoris consensu legali;* quod tamen explicat *consuetudo* habens vim abrogandi legem; ergo licet decretum illud abrogatum sit *consuetudine;* non tamen probat, quòd *non acceptatione*, nisi confundas hanc cum illa, & si hoc dicas, adhuc non probas, *acceptationem* esse de substantia legis; quia nec de *consuetudine* id dici potest; hæc enim non tollit, nisi *firmitatem*, seu continuationem, ex n. 139.

Si autem dicatur *primum; ly quia non fuit acceptatum*, vel intelligitur *consentientibus faltè tacitè Pontificibus?* vel *invitis?* at hoc dici non potest; ergo illud. Si autem ex eo præcisè decretum illud desit, quia acceptatum non est, dissimilantibus Pontificibus, non probatur acceptatio esse necessaria ad valorem, & efficiaciam legis, ergo. Prima major probatur: nam in c. *denique, dist. 4. S. Gregorius Magnus*, agens de eodem decreto Telesphori, & consuetudine illi opposita, dicens: *Unde nec à tali consuetudine (nimirum, comedendi carnes à dominica quinquagesimæ) averti possunt,* subjungit: *& ideo cum venia (nimirum indulgentiâ, seu dissimulatione) relinquendi sunt, ne fortè pejores existant.* si à tali consuetudine prohibeantur. Ut enim ait Salomon: *qui multum emungit, elicit sanguinem.* Ex quo clarè patet, quòd decretum illud Telesphori firmitatem non habuerit, sed abrogatum sit, non attribui *non acceptationi*, sed *contrarie consuetudini, cum venia Pontificum.* Talem autem consuetudinem habere vim abrogandi legem, etiam validam, & rectè, plenèque constitutam, etiam usu priùs receptam constat ex n. 189.

Demum ex ipso textu cit. c. *In istis, de quo n. 203.* constat nullam authoritatem tribui *non acceptationi*, sed Pontificum duntaxat indulgentiæ; qui, si non fuisset justus metus, quòd pejores existent, si pœnis eorum resistentiâ coercere vellent, censuris, & pœnis Ecclesiasticis eos ad dictæ legis observantiam etiam invitatos cogere potuissent, ut constat ex facto in plurimis

rimis casibus, ubi mala graviora timenda non sunt. Et ideo nihil ad hunc finem probatur, etiam ex illo textu, qui habetur in c. *cum olim, 6. de Cleric.conjugat.* ubi dicitur, nos igitur attendentes, quod orientalis Ecclesia votum continentiae non admisit &c. mandamus, si aliud impedimentum canonicum non obstat, ad confirmationem, & consecrationem ejusdem procedas; ex quo textu aliqui deducunt, quod unica causa ab ipso Pontifice allegata, que Gracos à voto continentiae excusat, fuerit, quod legem non admirerint, hoc est, non receperint; cum ergo id procedat in legem gravi, tanti momenti, ac honestatis, & alias ubique locorum recepta, quanto magis obtinebit in legibus minoris momenti, & necessitatis.

**206.** Ex hoc, inquam, textu non probatur, valorem, & efficaciam legis dependere ab acceptatione subditorum; nec in dato casu, unicam causam, Gracos excusantem, fuisse, quod non admirerint: sed solum, quod Pontifex illos cogere noluerit, ad vendam continentiam, illisque contrarium volentibus annuerit, præcipue, quod tempore Innocentij antiquissima esset consuetudo, non emittendi illud votum in Ecclesia Orientali; quo casu, si lex contrarietur tam antiquæ consuetudini, Pontifices facilius mitigant leges suas, & consuetudini cæteroquin non pravae indulgent consensu suum, ut dicemus n. 208. ergo nihil etiam ex hoc textu probatur, invito etiam legislatore, solum acceptanceis defectu, legem non habere valorem, & efficaciam.

**207.** Dices *s. l. de quibus. 23 ff. de legib.* Julianus ait: *ipse leges nulla alia ex causa nos tenent, quam quod judicio populi receptae sint;* ergo leges civiles judicio populi non receptæ, seu acceptatae nos non obligant; quia sic deficit unica causa nos tenendi, seu obligandi. Resp. dupliciter hunc textum intelligi posse 1. Quod hoc sit *ex natura legis*, tanquam aliquid substantialiter requisitum, ut dicatur plenè constituta. 2. Non quod sit de natura legis, sed quod solum, *ex benigna interpretatione voluntatis in legislatore*, nolente legem suam firmitatem obtainere, nisi populi judicio per legis observantiam, & usum comprobetur.

**208.** In primo sensu textus male accipitur, & perperam explicatur: quia satis aperte constat, id esse contra intentionem Principum

laicorum; tum, quia id arguit defectum efficacis potestatis, omnino necessariae ad rectam gubernationem; tum, quia sic liberum esset subditis obedire, ubi, & quando volunt, quo vinculum debita subjectionis omnino tolleretur; quo casu essent subditi solum, quantum vellent; quod sane plurimas, easque graves omnino turbationes causare aptum est in republica, ut constat experientia. In secundo autem sensu admitti potest; cum vis obligativa *non à judicio populi*, cuius est parere, non judicare, sed à legitima voluntate superiorum in legem derivetur; ergo cum superior declarat, se nolle, quod lex sua in actu secundo liget subditos, nisi facto ab ipsis comprobetur, quod quidem in rebus perquam onerosis, & antiquæ consuetudini non pravae, contrarijs merito presumi potest (cum ea potestas non sit in destructionem, & ruinam, sed in ædificationem boni communis) independenter ab exercitio, quo lex in usum deducatur, non obligabit, non natura legis, tanquam indigeret ea populi comprobacione, sed venia Principis eo casu, populo ex benignitate sua cursum dictæ consuetudinis indulgentis, aut novo legis onere gravare nolentis.

Et hæc præsumptio solum locum habet, **209.** ubi adest rationabilis, & justa causa, propter quam communitas contra legem se opponit. Nam legislator nunquam prudenter præsumi potest, etiam tacite consentire in transgressionem, consequenter abolitionem legis à se conditæ, nisi quando adest rationabilis, & justa causa, legem hic & nunc non deducendi in observantiam; opposita enim voluntas manifeste repugnat voluntati, quam legislator habet in condenda lege; cum hæc fundetur in voluntate, quam habere debet, per leges suas providendi bono communis, ac ejus conservationi. Quare dicta præsumptio cessat, ubi Princeps populum parere reluctantem, etiam opinione justæ causæ in contrarium, nihilominus ad legis observantiam compellit, nisi manifesta sit iniustitia legis, quia possessio stat pro legislatore. Hinc

Ad objectionem ex *L.de quibus. in n. 207.* **210.** Resp. cum dist. leges ex nulla alia causa nos tenent, quam quod judicio populi, dependenter ab indulgentia Principis, receptæ sint, C. independenter ab indulgentia Principis, N. ant. Ratio constat ex di-

ex dictis, & confirmari potest ex eo, quia textus non loquitur de obligatione legis, quam ipsa lex inducit, cum debite promulgata est; sed de obligatione legis *continuata, & perseverante*, hoc enim sonat: quod judicio, seu, ut alias dicunt, *moriibus populi* recepta sint; quod appellat legem deductam in usum, & consuetudinem. Quid verò dicendum, quando communitas supplicat principi pro suspensiōne, vel abrogatione legis, an, dum à Principe detur resolutio, interim obligent? dicimus à n. 224. Et ex his patet etiam responsio ad rationes sententiae, requirentis acceptationem populi tanquam conditionem essentialiē ad substantiam legis, de qua superius.

## §. III.

*An in lege Ecclesiastica necessaria sit acceptatio populi?*

211. Supponendum ex dicendis à n. 233. in Legislatore tam Ecclesiastico, quam civili, esse potestatem obstringendi subditos ad acceptandam, & observandam legem à se conditam, & debite promulgatam; unde quæstio est in præsens, an valor & efficacia legis Ecclesiastice sic dependeat ab acceptatione populi, ut eā seclusa non habeat valorem, & efficaciam invitox obligandi, licet ritè publicata sit, & per cognitionem debitam subditis applicata? In hac re dico cum P. de Cardenas cit. n. 56. defacto nullum esse canonem, vel legem, aut constitutionem, Ecclesiasticam, quæ dicat, vel declarat expressè, ut lex Ecclesiastica, postquam ritè promulgata est, & munita reliquis ab acceptatione subditorum distinctis, & cognita, inducat vim obligandi in actu secundo generaliter, *expectandam esse populi acceptationem, seu hanc esse de natura, & substantia legis Ecclesiastice*, nam omnes canones in contrarium allegari soliti, loquuntur de casu duntaxat singulari, ubi ex indulgentia legislatoris factū est, quod in tali casu, vel talis lex constituta non obstrinxerit, ut constat ex dictis à n. 202, ubi responsum est ad eos canones, quibus contrarij nituntur. In idem recidit L. de quibus, ut constat ex n. 207. præterquam, quod in modo ferendi legem, Ecclesia non necessariò sequatur jus civile, ut

diximus n. 178. Unde licet hoc necessarium foret in lege civili, non tamen obtineret in Ecclesiastica. Existimo tamen eū eodem n. 65. valde probabiliter dici, etiā leges Ecclesiasticas non obligare ante *communem* acceptationem ex benigna interpretatione Legislatoris Ecclesiastici, quando *causa rationabilis subest*; non autem quasi hoc necessarium sit ad valorem, ac efficaciam legis. Unde, ubi hæc præsumpta voluntas ex contraria illius voluntate constat (ut, cum urget legis observantiam) hæc præsumptio non habet locum. Ratio huius est ex dictis à n. 209. Et ideo dicendum, etiam legem Ecclesiasticam impediiri posse (*ne firma sit*) desuetudine ritè completa. Constat hoc ex dictis à n. 189. Ex eo autem, quod sic impediri possit à *firmitate*, seu *obligationis inducere continuatione*, non sequitur, quod antecedenter ad talen desuetudinem, & non acceptationem, non fuerit essentialiter constituta, cum etiam lex omnino valida, & essentialiter constituta, tempore subsequenti per legitimam consuetudinem, à firmitate sua impediri, & omnino abrogari possit, ut dictum est à n. 189. & 190.

Si autem lex Ecclesiastica (idem est de 212. civili) per continuatam inobservantiam, & desuetudinem, præsertim ignorante Principe, quoad obligationē abrogata est, & à Principe, seu legislatore innovetur, & quasi reproducatur, urgendo deinceps illius executionem, dicendum est, subditos etiam invitox obligari, suppositis ceteris conditionibus justæ legis; Sic etiam Lessius l. 2. Just. c. 22. n. 98. Covar. l. 2. Variarum, c. 16. n. 6. Q. Quanto, & alij. Nam in hoc casu cessat ratio, propter quam lex non acceptata, secundum autores contrarios non obligat, nimis præsumpta voluntas legislatoris dissimilantis inobservantiam legis; nec aliquis canon extat, qui pronuntiet, eam acceptationem legislatoris, vel ex natura legis id exigi; & aliunde legislator subditos etiam invitox simpliciter peccis cogere potest ad obedientiam, ut diximus n. 194. & seqq.

Dixi: *nullum esse canonem, qui generatiter suspendat legis vim obligandi, seclusa populi approbatione*. Nam idem etiam de lege canonica probant eadem rationes, quibus usi sumus à n. 185. pro lege 213. *civili*;